



## XII Seto Kongress

### OTSUS

Verska

09.10.2017

#### Kuuhtüü

Erinevidõ aoluulisi arengidõ ja põhjuisi tulõmusõna omma' pall'o' aoluulisõl Setomaal sündünü' inemisõ' pidänu' ummist kodotalodõst muialõ elämä minemä. Tuuperäst suur jago setokõisi elä-äi inäp ütstõõsõ lähkoh, elä-äi ka' Setomaal, a hingeh omma' nä õks kuuh ja tahtva' kokko saia' ja kuuh olla'. Pall'o' näist julga-ai vai mõista-ai minnä' Setomaal olõvidõ organisatsioonõ ja kogokundõ mano.

Setomaal om mitmit erinevvi organisatsioonõ, a näide umavaihõlisõ' rolli', näide tegemisõ' olõ-õi mõntkõrd kõgõ selgebä' ja vaest omma' keerulisõ' as'aosalisilõ hindilegi', lihtsast inemisõst kõnõlõmalda'.

Setokõisil om olõmah Seto Kongressi ja SKVK näol mustidsõlõ rahvalõ umanõ rahva esinduskogo, a olõs vaia üle kaia' näide otsussidõ täudeviimisõ puul: kiä', kuvvamuudu ja mäntsidõ vahendidõga' pias nuid otsussit ello viimä? Kuuhtüüh tõisi hõimurahvidõga' olõs võimalik tutvas saia' ja uuri', kuvvamuudu säääl as'a' omma', ja kas ja midä saasi' säääl oppi', üle võtta' näide kogõmuisist.

Arvõstõh iihpuul ültüt ja õt mi tegutsõ Setomaa ja kõigipooli elävidõ setokõisi esinduskogona, sis Seto Kongress

#### otsustas:

1. Tetä' Seto Kongressi Vanõbidõ Kogolõ ülesandõs kõrralda' läbik'auminõ setokõisi ja seto organisatsioonõga' välähpuul Setomaad.
2. Tetä' Seto Kongressi Vanõbidõ Kogolõ ülesandõs kõrralda' läbik'auminõ hõimurahvidõ organisatsioonõga'.
3. Tetä' Seto Kongressi Vanõbidõ Kogolõ ülesandõs küüsüdä' hõimurahvidõ käest näide kogõmuisi ja määne om näil organisatsioonõ kotus õgapäävätseh eloh, ja tetä' Setomaa vallalõ ja XIII Seto Kongressilõ ettepanõki' Setomaa organisatsioonõ struktuuri kõrrastamisõ ja selgebäs muutmisõs jaost.
4. Tetä' Seto Kongressi Vanõbidõ Kogolõ ülesandõs märki' vällä elolisõlt vaiaminevä' mõttõ' ja plaani', midä saat ka' ar' tetä' VIII Soome-Ugri Kongressi (Tartoh) aost ja

üldä' nuu' edesi Soomõ-Ugri Kongressi konsultatiivkomiteele seto rahva esindäjä kaudu.